

Broj: 3938-12/18

Datum: 24.05.2018. godine

Na osnovu člana 64. stav 1. tačka a), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 3938-10/18 od 23.05.2018. godine, u postupku javne nabavke **radova: Rekonstrukcija prostora za Gama kameru po lotovima: LOT 1 – Građevinski radovi, LOT 2 – Elektroinstalacije i LOT 3 – Mašinske instalacije**, direktor Javne ustanove Opća bolnica „Prim. dr. Abdulah Nakaš“, je donio

ODLUKU
o izboru najpovoljnijeg ponuđača

Član 1.

Prihvata se Preporuka Komisije za nabavku, broj: 3938-10/18 od 23.05.2018. godine i Ugovor za javnu nabavku **radova: Rekonstrukcija prostora za Gama kameru za LOT 1 – Građevinski radovi** dodjeljuje se ponuđaču **EKO-GRADNJA d.o.o. Sarajevo sa ukupnom cijenom ponude u iznosu od 25.586,58 KM bez PDV-a, kao najpovoljnijem ponuđaču.**

Član 2.

Izabrani ponuđač je obavezan dostaviti original ili ovjerene kopije dokumentacije iz člana 45. Zakona o javnim nabavkama odmah po prijemu Odluke o izboru najpovoljnijeg ponuđača, a najkasnije u roku od 2 (dva) dana na Protokol Ugovornog organa.

Član 3.

Prijedlog Ugovora o nabavci dostaviće se na potpis izabranom ponuđaču nakon isteka roka od 10 dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (**www.obs.ba**), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali i postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **3938-2/18 od 04.05.2018. godine.**

Javna nabavka je sprovedena **putem konkurentskog zahtjeva za dostavu ponuda.**

Procijenjena vrijednost javne nabavke bez PDV-a je **do 40.000,00 KM.**

Obavještenje o nabavci broj: 1125-7-3-157-3-82/18, poslato je na objavljivanje dana **10.05.2018. godine,** a objavljeno je na Portalu javnih nabavki dana **10.05.2018. godine,** Obavještenje o nabavci objavljeno je u Sl. Glasniku BiH broj: **32/18 od 18.05.2018. godine.**

Komisija za nabavku, imenovana je Rješenjem broj: **3938-3/18 od 04.05.2018. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **3938-9/18 od 23.05.2018. godine,** Preporuku o izboru najpovoljnijeg ponuđača broj: **3938-10/18 od 23.05.2018. godine** i Izvještaj o radu broj: **3938-11/18 od 24.05.2018. godine,** u postupku javne nabavke radova: **Rekonstrukcija prostora za Gama kameru – LOT 1 – Građevinski radovi.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljeno 5 ponuda,
- da je blagovremeno primljeno 5 ponuda,
- da nije bilo neblagovremeno primljenih ponuda,

- da je ponuda ponuđača „**EKO-GRADNJA**“ d.o.o. Sarajevo kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način,

-da ponude ponuđača „**VINDI TIP**“ d.o.o. Sarajevo, „**INTER-COM**“ d.o.o. Zenica, „**KOLINVEST**“ d.o.o. Sarajevo i „**MIBRAL**“ d.o.o. Sarajevo nisu kvalifikovane niti prihvatljive iz sljedećih razloga:

1. Ponuđač **VINDI-TIP d.o.o. Sarajevo** u svojoj ponudi za predmetnu nabavku nije dostavio dokaze za kvalifikaciju tražene u tenderskoj dokumentaciji kako slijedi:

- a) Navode (izjavu) o angažovanom tehničkom osoblju koje će izvoditi predmetne radove bez obzira na to da li pripada izvođaču radova sa navedenom stručnom spremom osoblja koja je tražena u odjeljku c) **USLOVI ZA KVALIFIKACIJU PONUĐAČA** u tački 4. Tehnička i profesionalna sposobnost – član 48-51. Zakona na strani 11. tenderske dokumentacije.

- b) Izjavu izvođača radova o prosječnom godišnjem broju zaposlenih i broju rukovodećeg osoblja u posljednje tri godine, odnosno od momenta registracije (za period manje od tri godine) koja je tražena u odjeljku c) USLOVI ZA KVALIFIKACIJU PONUĐAČA u tački 4. Tehnička i profesionalna sposobnost – član 48-51. Zakona na strani 11. tenderske dokumentacije.
- c) Izjavu o prihvatanju perioda važenja ponude koja je tražena u 6. PODACI O PONUDI u tački 7) Period važenja ponude na strani 18. tenderske dokumentacije.
- Takođe, koverta u kojoj je pristigla ponuda ponuđača je zatvorena i ovjerena pečatom, ali nije parafirana od strane ovlaštene osobe, kako je traženo u odjeljku 6. PODACI O PONUDI u tački 2) Način dostave ponude na strani 15. tenderske dokumentacije, a što je konstatovano i u Zapisniku o otvaranja ponuda od 21.05.2018. godine.

Imajući u vidu gore navedeno, odbacuje se ponuda ponuđača **VINDI-TIP d.o.o. Sarajevo** za lotove: 1, 2 i 3 u skladu sa članom 68. stav (4) tačka i) Zakona o javnim nabavkama.

2. Ponuđač **INTER-COM d.o.o. Zenica** u svojoj ponudi za predmetnu nabavku:
- a) dostavio je 2 (dvije) potvrde o uredno izvršenim radovima (UNDP od 13.02.2018. godine i MENN-ELECTRONIC d.o.o. Zenica od 15.11.2016. godine) i jednu Potvrdu o uredno izvršenom ugovoru (Studentski centar Sveučilišta u Mostaru od 17.08.2016. godine) čiji je predmet isporuka roba. Ugovorni organ u odjeljku c) USLOVI ZA KVALIFIKACIJU PONUĐAČA u tački 4. Tehnička i profesionalna sposobnost – član 48-51. Zakona na strani 11. tenderske dokumentacije je zahtjevao kao dokaz Spisak radova koji su izvedeni uz prilaganje potvrda o uspješno izvršenim glavnim radovima (najmanje tri ugovora).

Imajući u vidu gore navedeno, odbacuje se ponuda ponuđača **INTER-COM d.o.o. Zenica** za lotove: 1, 2 i 3 u skladu sa članom 68. stav (4) tačka i) Zakona o javnim nabavkama.

3. Ponuđač **KOLINVEST d.o.o. Sarajevo** u svojoj ponudi za predmetnu nabavku:
- a) dostavio je 2 (dvije) potvrde o uredno izvršenim radovima (Općina Novi Grad od 17.01.2017. godine i Općina Novo Sarajevo od 14.03.2016. godine). Ugovorni organ u odjeljku c) USLOVI ZA KVALIFIKACIJU PONUĐAČA u tački 4. Tehnička i profesionalna sposobnost – član 48-51. Zakona na strani 11. tenderske dokumentacije je zahtjevao kao dokaz Spisak radova koji su izvedeni uz prilaganje potvrda o uspješno izvršenim glavnim radovima (najmanje tri ugovora).

Imajući u vidu gore navedeno, odbacuje se ponuda ponuđača **KOLINVEST d.o.o. Sarajevo** za lotove: 1, 2 i 3 u skladu sa članom 68. stav (4) tačka i) Zakona o javnim nabavkama.

4. Ponuđač **MIBRAL d.o.o. Sarajevo** u svojoj ponudi za predmetnu nabavku nije dostavio:
- a) Izjavu o prihvatanju perioda važenja ponude koja je tražena u 6. PODACI O PONUDI u tački 7) Period važenja ponude na strani 18. tenderske dokumentacije.
- Takođe, koverta u kojoj je pristigla ponuda ponuđača je zatvorena i ovjerena pečatom, ali nije parafirana od strane ovlaštene osobe, kako je traženo u odjeljku 6. PODACI O PONUDI u tački 2) Način dostave ponude na strani 15. tenderske dokumentacije, a što je konstatovano i u Zapisniku o otvaranja ponuda od 21.05.2018. godine.

Imajući u vidu gore navedeno, odbacuje se ponuda ponuđača **MIBRAL d.o.o. Sarajevo** za lotove: 1, 2 i 3 u skladu sa članom 68. stav (4) tačka i) Zakona o javnim nabavkama.

U postupku donošenja ove Odluke, posebno su cijunjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da su izabrani ponuđači najbolje ocijenjeni zbog:

Ekonomski najpovoljnije ponude sa podkriterijima kako slijedi:

- 1. Cijena - 60 bodova**
- 2. Uslovi, rok i način plaćanja - 10 bodova**
- 3. Rok izvođenja ugovorenih radova – 15 bodova**
- 4. Garantni rok na izvedene radove - 15 bodova**

LOT 1 – Građevinski radovi

Redni broj	Naziv ponuđača	Kriterij za dodjelu ugovora – ekonomski najpovoljnija ponuda				Ukupno bodova
		Cijena (KM bez PDV-a) - 60 bodova	Uslovi, rok i način plaćanja – 10 bodova	Rok izvođenja ugovorenih radova – 15 bodova	Garantni rok na izvedene radove – 15 bodova	
1.	EKO-GRADNJA d.o.o. Sarajevo	25.586,58 KM – 60 bodova	30 dana – 10 bodova	20 dana – 15 bodova	5 godina – 15 bodova	100 bodova

Izabrani ponuđač je izabran primjenjujući kriterij „ekonomski najpovoljnija ponuda“.

Iz navedenih razloga, primjenom člana 64. stav 1. tačka a) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.


POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš”, Kranjčevićeva broj 12, Sarajevo.

Žalba se podnosi u najmanje 3 (tri) primjerka.



DIREKTOR
[Signature]
Prim. dr. Zlatko Kravić

Dostaviti:

- Ponuđaču: „EKO-GRADNJA” d.o.o. Sarajevo
- Ponuđaču: „VINDI-TIP” d.o.o. Sarajevo
- Ponuđaču: „KOLINVEST” d.o.o. Sarajevo
- Ponuđaču: „MIBRAL” d.o.o. Sarajevo
- Ponuđaču: „INTER-COM” d.o.o. Zenica
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.